

骈
体
南
針

駢
體
南
針

駢體南鍼卷九目錄

陳謝書籍

恩賜

御製文三集謝摺

恩賜


御製詩三集謝摺

同上

恩賜

御製全韻詩謝摺

同上



同上

恩賜

御製擬白居易新樂府謝摺

恩賜評鑑闡要謝摺

恩賜

欽定平定臺灣紀畧廓爾喀紀畧謝摺

恩賜

萬壽八旬盛典謝摺

恩賜

南巡盛典謝摺

諭交四庫館雇覓書手給值續繕全書三分安置江

浙文匯文宗文瀾等閣謝摺

恩賜四庫全書總目謝摺

進呈書籍

恩賜內府初印佩文韻府謝摺

進呈書籍

恩賜內府初印佩文韻府呈請代奏謝摺

恩賜古今圖書集成謝摺

宣示

御製賜題進呈易祓周易總義詩篇謝摺

宣示

御製賜題進呈孫覺春秋經解趙彛長短經解陳經
尚書詳解各詩篇呈請代奏謝摺

宣示

御製賜題進呈太平御覽五言排律六韻呈請代奏

謝摺

駢體南鍼卷九

恩賜

御製文二集謝摺孫士毅

爲恭謝

天恩事本年四月初八日由在京提塘欽領

御製文二集

頒賜到潮臣恭詣郊外迎回敬設香案望

闕叩謝

聖恩祇領訖欽惟我

皇上治協神樞

馬融古鏡
理符心矩

日新月盛法健行而化以觀成

緯地經天仰光被而文因見道惟

聖學淵泉時出邁三古以垂謨斯

王言雲漢爲章並六經而作則前此勒成

初集早開

義畫於珍符今茲

頒賜新編益闡

軒圖於金鏡

經筵論著味菽帛而義蘊偏腴史策

衷譏嚴袞鉞而提衡悉當三致意於敬

天法

祖若疊矩而重規集大成於帝典王謨乃金聲而玉振
以逮辨沿訛於耳食蒙翳全消標勦獲於

心裁胸懷盡拓仰億萬載之

豐功駿烈固知周情孔思不尚空言綜

四百篇之理富文繁卽令賈茂董醇齊爲閣筆臣操

觚粗習酌蠡空慙慶

寶笈之傳宣喜得爭先而覩啟

瑤編而誦習莫由一贊其詞惟期是訓是行徧潤江

河於畎澮從此

治心治法長懸日月於煙霄摹繪難名研窮曷極

四行其出與富文機明合賈放董顏齊為閣筆司
豐山龍騰四吸開其思不尚空言錄
小雅則盡計吟餘萬年文

以數將銷精依其食蒙體全保融研幾伏

脈若盤臥而重賊藥大如故帝典王薊以金鑑而正法

天書

東嶺嶺交越而鼎沸悉當三垣新外

恩賜

御製詩三集謝摺

闕名

欽惟我

皇上觀文成化

出言爲經

垂玉策於詩壇叶九奏莖韶之韻

冠瑤章於集庫宣八風紉縵之音篇成則點筆如飛

經緯新而熟彌生巧體備則分箋並富包含廣

而大可通神奇歲序之周星初二集已環諧鳳

律運

天行之駢曜萬千首更排積驪淵溯紬簡於先庚蘭箋
奏雅洎增函於開甲芝篋敷珍粵矢詩之既多
洵體物而咸具

彤闈愛暑述

盛典於萱枝

翠輦行春軼新歌於竹箭驗雨暘之時若

在宥同勤擷子史之微言羣疑並析法六經以見道
精焉則兵農禮樂之書彙萬言以取材散之兼
草木蟲魚之疏何止比周公制作儘諸家盡入
範圍即使付游夏參詳實一字不能增損願窺

全於

延閣赤文共觀

光華迨錄副於

禁廷翠版載咨剴劂三編排就會甲乙丙而苞括
三才百卷刊成超漢唐宋而陶鎔百氏欣叨承
夫

恩錫獲仰誦夫

敷言錦帙攜來

紫極之雲霞交燦牙籤

頒到黃封之翰墨俱香正襟對而肅若橫經盥手題

而恭逾執玉惟冀藏諸三篋千秋珍什襲之傳
還看載以五車百世紀

駢蕃之錫臣學慙篆刻才謝賡颺和雅頌而莫效來
歌感宮商而自同率舞皮奉而榮光照室知天
下之

大文披尋而妙緒生心信
聖人之至教惟深欽佩曷罄名言

恩賜

御製詩三集謝摺

孔憲培

欽惟我

皇上文與日新

學由天縱

摘鴻章於幾暇萬方覩景慶之祥

宣雅奏於元音六義協英韶之響

化成久道發吟詠而見新

德懋健行積簡編而逾富前此

瑤函再賁永垂藝苑之楷模逮茲

琅笈三成益仰

大文之美盛數卷則乘十而倍五編以紀年計什則積萬而贏千篇無虛日歡愉式布會

大慶之駢臻

惠澤覃敷記正供之疊免

省方展義劭農不廢

咨勤亮績興能籲俊還殷宜滯以至訂譌閱左名物之義畢呈

育物對時行生之機悉暢蓋由我

皇上緝熙之勤體

天行而不息故

製作之妙與時出而不窮信乎疊矩重規昭

一人之至教珠淵玉海匯萬派之大原矣臣學虛汲

綆才謝操觚頌美難名愧揄揚之莫罄循文繹
義慚毫末之未窺惟有誦寫弗諉庶沐咏陶於
鈞律子孫永守長騰光耀於金絲